

<p style="text-align: center;"><b>Ագրոպարենային ոլորտի սարքավորումների լիզինգի աջակցության պայմաններ<sup>1</sup></b></p> <p style="text-align: center;">ՀՀ կառավարության 19.07.2018 թվականի N893-Լ որոշմամբ հաստատված՝ ՀՀ-ում ագրոպարենային ոլորտի սարքավորումների լիզինգի աջակցության ծրագրի («Ծրագիր») շրջանակներում</p>		
1.	Կանխավճար	Լիզինգի առարկայի արժեքի <sup>2</sup> 20%
2.	Կանխավճար/Լիզինգի առարկայի արժեք հարաբերակցությունը	20/100%
3.	Ֆինանսավորման արժույթ	ՀՀ դրամ և արտարժույթ
4.	Ֆինանսավորման սահմանաչափ	Լիզինգի գումարի նվազագույն շեմը՝ 5 մլն ՀՀ դրամ: Ծրագրի շրջանակներում լիզինգառուի կողմից ձեռք բերվող սարքավորումների արժեքների հանրագումարը չպետք է գերազանցի 1,0 մլրդ ՀՀ դրամը <sup>3</sup>
5.	Լիզինգի տարեկան փաստացի տոկոսադրույք	ՀՀ դրամով՝ մինչև 12% Արտարժույթով՝ մինչև 9%
6.	Տոկոսադրույքի սուբսիդավորման չափը <sup>4</sup>	ՀՀ դրամով ֆինանսավորման դեպքում՝ մինչև 10 տոկոսային կետ Արտարժույթով ֆինանսավորման դեպքում՝ մինչև 6 տոկոսային կետ
7.	Տոկոսադրույքի սուբսիդավորման պայմանները	Տոկոսադրույքը սուբսիդավորվում է Ծրագրով նախատեսված կարգով: Ընդ որում՝ մինչև լիզինգի առարկան հանձնման-ընդունման ակտով լիզինգառուին հանձնելու օրը հաշվարկված տոկոսագումարների (առկայության դեպքում) սուբսիդավորումը կատարվում է մատակարարման փուլի (այն է՝ լիզինգի պայմանագրի կնքման օրվանից մինչև լիզինգի առարկան հանձնման-ընդունման ակտով լիզինգառուին հանձնելու օրը) մինչև 180 օր ժամկետի համար, իսկ մատակարարման փուլի՝ տվյալ ժամկետը գերազանցող ժամկետի համար հաշվարկված տոկոսագումարները ենթակա չեն սուբսիդավորման և դրանք ամբողջությամբ ենթակա են վճարման լիզինգառուի կողմից՝ պայմանագրով նախատեսված տոկոսադրույքին համապատասխան:

8.	Լիզինգի տոկոսադրույքի հաշվարկման կարգը	Լիզինգի հիմնական գումարի նվազող մնացորդի նկատմամբ
9.	Լիզինգի տրամադրման վճար	Չի գանձվում
10.	Ֆինանսավորման ժամկետ	1-ից մինչև 5 տարի
11.	Ժամանակացույցով սահմանված ժամկետից շուտ մայր գումարի վճարում	Տույժեր և տուգանքներ չեն գանձվում վաղաժամկետ մարումը սուբսիդավորման գործողության ընթացքում կատարելու դեպքում, իսկ սուբսիդավորման դարարեցման կամ մերժման դեպքում՝ վաղաժամկետ մարված մայր գումարի նկատմամբ հաշվարկվում է միանվագ 0.5%, եթե վաղաժամկետ մարումը կատարվել է Լիզինգի տրամադրումից հետո առաջին 6 /վեց/ ամսվա ընթացքում
12.	Տույժ՝ Լիզինգի մայր գումարի և/կամ Տոկոսադրույքի մարման պարտավորությունները չկատարելու կամ ոչ պատշաճ կատարելու համար <sup>5</sup>	Տույժ՝ ժամկետանց Լիզինգի և/կամ ժամկետանց Տոկոսագումարի 0.13% չափով կետանցի /պարտավորությունների կատարման համար սահմանված ժամկետների խախտման/ յուրաքանչյուր օրվա համար: Տույժերը և (կամ) տուգանքները սուբսիդավորման ենթակա չեն:
13.	Լիզինգի գումարի և տոկոսագումարի մարումները	Ամսական մայր գումարի հավասարաչափ մարման եղանակով՝ համաձայն մարումների ժամանակացույցի
14.	Մարման արտոնյալ ժամկետ	Լիզինգի հիմնական գումարի մարման համար սահմանված արտոնյալ ժամկետը լիզինգը տրամադրելու պահից հաշվարկվում է առավելագույնը 3 ամիս, իսկ լիզինգի չսուբսիդավորվող տոկոսների վճարման պարտականությունը լիզինգառուի մոտ առաջանում է լիզինգի տրամադրման պահից սկսած: Բացի այդ, լիզինգառուի դիմումով Բանկի կողմից կարող են սահմանվել լիզինգի հիմնական գումարի վճարման համար դադարի շրջաններ՝ տարեկան մինչև 6 ամիս ժամկետով.
15.	Ապահովություն	<ul style="list-style-type: none"> <li>• Լիզինգառուի տնօրենի և/կամ հիմնադրի և/կամ այլ անձի երաշխավորություն,</li> <li>• Գույքի/իրավունքի գրավ՝ ըստ պահանջի</li> </ul>
16.	Ապահովագրություն	Յուրաքանչյուր տարի լիզինգի առարկան ապահովագրվում է վնասվածքի և կորստյան ռիսկերից, որը կատարվում է լիզինգառուի կողմից
17.	Այլ պայմաններ	Մնացած պայմանները գործում են՝ համաձայն ՀՀ կառավարության 2018 թվականի հուլիսի 19-ի «Հայաստանի Հանրապետությունում ագրոպարենային ոլորտի սարքավորումների ֆինանսական վարձակալության՝ լիզինգի պետական աջակցության ծրագիրը հաստատելու մասին» N 893-Լ որոշման:

<sup>1</sup> Սույն պայմանները կիրառելի չեն «Սպառողական կրեդիտավորման մասին» ՀՀ օրենքի շրջանակում տրամադրվող լիզինգի դեպքում:

<sup>2</sup> Լիզինգի առարկայի արժեքը ներառում է լիզինգի առարկայի ձեռքբերման գինը, լիզինգի առարկայի Հայաստանի Հանրապետություն ներմուծման հետ կապված ծախսերը (տեղափոխում, այդ թվում՝ տեղափոխման հետ կապված այլ ծախսեր, մաքսագերծում, ավելացված արժեքի հարկ և այլն):

<sup>3</sup> Բացառություն են կազմում լիզինգատուի կողմից ձեռք բերվող թարմ պտուղանջարեղենի և հատիկաընդեղենի տեսակավորման, փաթեթավորման ու հատիկաընդեղենի զտման գործունեության համար կիրառվող սարքավորումները, ինչպես նաև սպանդանոցային տնտեսություն, շարժական և շարժական մոդուլային սպանդանոցներ, սպանդանոցային ծառայություն մատուցողի կողմից ձեռք բերվող մսեղիքի տեղափոխման տրանսպորտային միջոցները, որոնց արժեքների հանրագումարը չպետք է գերազանցի 200.0 մլն դրամը:

<sup>4</sup> ՀՀ կառավարության 2014 թվականի դեկտեմբերի 18-ի N 1444-Ն որոշմամբ հաստատված սոցիալական աջակցություն ստացող սահմանամերձ բնակավայրերի տարածքներում գործունեություն իրականացնող տնտեսվարողների համար լիզինգի տոկոսադրույքն ամբողջությամբ սուբսիդավորվում է, և լիզինգատուի կողմից վճարվող լիզինգի տարեկան տոկոսադրույքը կկազմի 0 տոկոս:

<sup>5</sup> Տուժանքի (տույժի և/կամ տուգանքի) փաստացի կիրառման դեպքում Տուժանքի տարեկան դրույքաչափը և/կամ Տուժանքների հանրագումարի չափը գործում է ՀՀ օրենսդրությամբ նշված թույլատրելի առավելագույն չափերի սահմաններում: